



Geopende Deure

GEBEDSKALELENDER

Januarie 2024



**“Dink aan die
gevangenes asof julle
medegevangenes is,
aan hulle wat mishandel
word asof julle dit self
aan julle liggaam beleef.”**

HEBREËRS 13:3

JANUARIE

1 Nuwejaarsdag

Prys die Here vir 'n nuwe jaar. Kom ons dank God vir Sy genade, guns en werk in ons lewens. Bid dat die Here dié jaar voor elkeen van ons sal uitgaan en ons daardeur sal lei.

2 Die wêreldwye Liggaam van Christus

Bid dat die Here ons dié jaar regoor die wêreld sal gebruik om Sy lig in ons gemeenskappe, werkplekke en onder ons familie en vriende te laat skyn.

3 Vervolgde Christene

Die vervolging en diskriminasie teen ons broers en susters in Christus hou aan om te styg. Bid dat God veerkrachtigheid aan hulle sal gee teen die bose se aanvalle.

4 Geopende Deure-werkers en vennote in ander lande

Bid dat God Geopende Deure-werkers en vennote in ander lande sal toerus terwyl hulle ons vervolgde familie dien. Bid dat God hulle sal versterk terwyl hulle ons vervolgde familie bystaan.

5 Geopende Deure-vennote

Bid vir ons wêreldwye vennote, soos jy, wat vir ons vervolgde familie bid en hulle ondersteun. Bid dat die Here met julle almal sal wees in alles wat julle dié jaar doen.

6 Geopende Deure-leierskap

Bid vir volgehoue wysheid en leiding vir die Geopende Deure-leierskap regoor die wêreld. Bid vir wysheid en onderskeidingsvermoë terwyl hulle nuwe uitdagings en besluite in die gesig staar.

7 Geopende Deure-projekte en programme

Bid vir alle Geopende Deure-projekte en programme wat dié jaar sal plaasvind om ons vervolgde familie toe te rus, op te bou en by te staan. Bid dat dit glad sal verloop en ons vervolgde familie sal ophef.

8 Jemen

Verlede jaar in September is 'n Jemenitiese broer vrygelaat wat vir 'n jaar en tien maande in die tronk was. Bid dat die Here by hom sal wees terwyl hy voortgaan om verhoudings met sy Christen-broers en -susters te herbou.

9 Sub-Sahara Afrika

Bid vir die miljoene mense in Afrika suid van die Sahara wat weens geweld uit hul huise moes vlug. Vra God om hulle veilig en siektevry te hou en aan hulle te voorsien.

10 Demokratiese Republiek van die Kongo (DRK)

Geopende Deure-vennote bied vervolgings-voorbereidheid-opleiding in die DRK aan. Hef die leiers op en vra vir volgehoue krag vir hul werk. Bid dat Christene deur dié opleiding bemoedig sal word.

11 Burkina Faso

Christene in Burkina Faso word toenemend deur jihadiste geteiken. Bid vir beskerming vir dié

gelowiges en hul leiers. Bid dat hulle standvastig in hul geloof sal bly terwyl hulle toenemende vervolging in die gesig staar.

12 DRK

Fofo (18) is verlede Junie deur die Geallieerde Demokratiese Magte ontvoer en vir vyf dae aangehou voordat sy kon ontsnap. Sy is dankbaar dat God haar gered het. Bid vir 'n einde aan aanvalle op oostelike DRK-dorpe.

13 Sentraal-Asië

Christen-gesinne word dikwels deur die owerhede geteiken as 'n manier van intimidasie. Sommige gesinne verlaat die land om van die gevaar te ontsnap. Bid dat hulle veiligheid en sekuriteit in nuwe, onbekende lande sal vind.



Bid vir vervolgde gelowiges wat met geweld gekonfronter word as gevolg van hulle geloof in Christus.

14 Iran

ń Span Geopende Deure-vennote ondersteun getraumatiseerde Iranse mense met berading en gebede. Prys God vir dié noodsaaklike werk en vir die voordelige impak wat dit op mense het.

15 Colombië

Vrywilligers wat die Kindersentrum in Colombië besoek, vorm spesiale bande met die kinders. Bid dat meer mense die sentrum sal kan besoek om die kinders te bemoedig.

16 Jemen

Dank God dat só baie mense in Jemen Christus soek op aanlyn platforms wat dissipelskapklasse aanbied. Bid dat hulle Christus hierdeur sal leer ken.

17 Wêreldwaarnemingslys-vrystelling

Bid vir al die aanbiedings en geleenthede regoor die wêreld vir Geopende Deure se 2024-Wêreldwaarnemingslys. Mag meer oë oopgaan vir die lot van ons vervolgde familie en talle geroep word om saam met hulle te staan.

18 Noord-Korea

Geopende Deure-veldwerkers verskaf elke jaar ondersteuning en opleiding aan 150 tot 200 Noord-Koreaanse vroue

wat die slagoffers van mensehandel na China is. Bid vir die beskerming van diegene wat dié geheime vergaderings bywoon.

19 Nepal

“Die een na die ander voorval van gewelddadige vervolging vind in Nepal plaas. Dié toename in haat teenoor Christenskap dryf gelowiges na ń meer kwesbare situasie,” deel Geopende Deure se plaaslike vennoot, Anita Magar*. Bid vir die beskerming van gelowiges in Nepal.

20 Midde-Ooste

Bid dat Jesus se liefde by Moslems in Egipte, Sirië, Irak en die res van dié streek weerspieël sal word deur die lewens van Christene wat hier woon.

21 Sirië en Irak

Bid dat Geopende Deure-vennote se leierskapopleiding deelnemers sal aanmoedig om in hul lande aan te bly en dit wat hulle geleer het, te gebruik om tot die herbou van hul gemeenskappe by te dra.

22 Egipte

Jong mans in Egipte is onder druk om aan hul gesinne te voorsien en het geen ander keuse as om by gevaelike steengroewe te werk nie. Bid vir beter gesondheid-



Vra die Here om ons plaaslike vennote in China te beskerm en aan hulle wysheid te gee in alle omstandighede.

(Egipte vervolg)

en veiligheidstandaarde om lewensgevaarlike ongelukke te verminder.

23 China

Bid vir Geopende Deure se plaaslike vennote in China om skeppende maniere te vind om gelowiges in die mees beperkte gebiede te bedien. Vra God om hulle te beskerm en in alle omstandighede van wysheid te voorsien.

24 Mianmar

Wanneer die owerhede evangelisasie vermoed, span hulle subtiele maar vernietigende vervolging in. Gelowiges kan op vals aanklagte tronkstraf opgelê word of hul bankrekenings kan gevries word. Vra God om moed en krag aan Mianmar se Christene te gee.

25 Kameroen

Kameroen is met baie natuurlike en menslike hulpbronne geseen,

(Kameroen vervolg)

maar armoede bly steeds wydverspreid. Bid dat die Here genoeg reën aan almal sal voorsien vir die kweek van hulpbronne om hul gesinne te onderhou.

26 Soedan

Bid vir God se hand met die bou van 'n veerkrachtige Kerk in Soedan wat sterk staan in die aangesig van vervolging.

27 Noord-Korea

Christene in strafkampe werk lang ure, met die bedreiging van ondervraging en geweld. Hulle kan skaars in die oorvol tronkselle beweeg. Bid dat hulle uit dié kampe bevry sal word.

28 Sri Lanka

Hindoe-ekstremiste in Sri Lanka voer haatveldtogte teen Christene uit. Bid vir verdraagsaamheid tussen godsdienstige groepe en bid dat goedhartigheid mense se harte sal vul.

29 Somalië

In Somalië verwag die samelewing dat almal Moslems moet wees. Geheime Christene kan fisies mishandel en verwerp word. Bid vir groter verdraagsaamheid teenoor Christene in die land.

30 Sentraal-Asië

Duisende Afgaanse vlugtelinge verkeer in onsekerheid in Sentraal-Asië. Hulle is haastig weg uit Afganistan en beskik gevoleglik nie oor toepaslike regsdokumente of genoeg geld om aan te beweeg nie. Bid vir hulp en geleenthede om hul gesinne te ondersteun.

31 Israel

Voor die oorlog het vervolging in Israel stelselmatig toegeneem, met die regering wat weinig gedoen het om Christene te beskerm. Die Israeliese Kerk se toekoms is onseker. Bid vir ons familie daar en in die Palestynse gebiede.

*Name verander en verteenwoordigende foto's gebruik vir sekuriteitsredes. Alle inligting was korrek ten tyde van publikasie.

Geopende Deure

Geopende Deure Suider-Afrika

T +27 11 888 9341

E southafrica@od.org

 +27 66 397 1319

VOLG ONS OP:

www.opendoors.org.za

